

PETIKAN TULISAN
SUCI UNTUK
DIHAFAL:

Firman-Mu itu
pelita bagi
kakiku dan
terang bagi
jalanku.

(Mazmur 119:105)

AYAT SUCI
MINGGU INI

Yesaya 8:23 - 9:3;

Mazmur 26:1,4,13-14;

1 Korintus 1:10-13, 17;

Matius 4:12-23 atau
4:12-17.



Published by:
Peninsular Malaysia
Pastoral Team

Email: api@archkl.org

EDARAN DALAMAN SAHAJA

BUL 04/2023

Alkitab menceritakan secara berterusan perjalanan umat Allah ini: dari orang Aram yang mengembara dan berhijrah ke Mesir (Ulangan 26:5-10), ke Keluaran, kepada murid-murid di Emaus (Lukas 24:13f), sehingga jangkauan misionaris di dunia Mediterranean dan Asia Kecil. Gereja yang baru lahir, yang penganutnya bahkan dipanggil "pengikut Jalan" (KPR 9:2), menyedari pengalaman komunal ini terutamanya dalam membuat keputusan penting bagi orang bukan Yahudi yang menganuti agama mereka di Sidang Yerusalem (KPR 15). Perjalanan bersama ini, dalam mendengar pengalaman hidup para murid, khususnya Petrus dan Paulus, membantu dalam mencapai penyelesaian bagi seluruh Gereja.

Oleh itu, sinodaliti memerlukan budaya mendengar dan berdialog. Mendengar satu sama lain dan Firman Tuhanlah yang membantu Umat Allah untuk menilai dengan bijaksana apa yang dikatakan Roh kepada Jemaah. "Roh, menurut janji Tuhan, tidak membatasi dirinya untuk mengesahkan kesinambungan Injil Yesus, tetapi akan menerangi kedalaman Wahyu-Nya yang sentiasa diperbaharui dan mengilhami keputusan yang diperlukan untuk mengekalkan perjalanan Gereja" (Dokumen Persediaan Sinode 16). Proses ini akhirnya akan menarik kita ke arah perubahan dalam komuni, penyertaan dan misi.

Oleh itu, sebagai langkah pertama, saya menggalakkan setiap orang supaya menyediakan bacaan sebelum misa untuk penyertaan yang layak dan bermanfaat dalam Ekaristi di mana Firman Tuhan dibacakan dan dikongsi dalam homili semasa perayaan komuniti. Berusahalah untuk menyertai dan mengambil bahagian dalam kelompok perkongsian Alkitab yang membantu untuk **melihat Firman Tuhan sebagai pedang Roh yang menembusi pemikiran dan emosi dan membawa perubahan hati dan minda komuniti.** Semoga Hari Minggu Sabda Allah ini menggerakkan Gereja ke hadapan dengan cara sinodal "untuk menanam impian, membangkitkan nubuat dan visi, membenarkan harapan berkembang, mengilhami kepercayaan, mengikat luka dan menjalin hubungan, dan membangkitkan fajar harapan..." (PD 32) ✨

Rt. Rev. Bishop Richard Ng

Presiden Komisi Biblika Serantau

Konferensi Para Uskup Malaysia, Singapura dan Brunei.

22 JANUARI 2023
(Hari Minggu Sabda Allah)

Newtbec

NEW WAY OF BEING CHURCH

Hari Minggu Biasa ke-3

GARAM DAN TERANG DUNIA: PERSEKUTUAN, PENYERTAAN DAN MISI

FOKUS BULANAN: PENDIDIKAN

Sinodaliti^{dan} Firman Tuhan

Saudara dan saudari yang dikasihi dalam Kristus,

Komisi Biblika Serantau, ingin mengucapkan salam dan menyampaikan mesej kepada anda pada Hari Minggu Sabda Allah (HMSA) ini yang diisytiharkan oleh Bapa Suci tiga tahun lalu dengan satu-satunya tujuan untuk menetapkan "satu hari Minggu yang dikhususkan sepenuhnya kepada firman Tuhan, untuk menghargai kekayaan yang tidak terhingga yang terkandung dalam dialog berterusan antara Tuhan dan umat-Nya".

Sementara itu, Paus, yang menyedari masalah yang melanda Gereja hari ini, telah melancarkan suatu proses selama dua tahun untuk kembali ke cara lazim yang diambil oleh Gereja awal, yang dikenali sebagai 'Sinodaliti' yang bermaksud 'berjalan bersama. Walaupun masalah salah guna, ketidakpuasan hati, perbezaan pendapat dan ketidakterlibatan ramai orang beriman berleluasa dalam Gereja, proses 'berjalan bersama' ini bertujuan untuk menyedarkan seluruh Gereja sebagai Umat Allah kepada masa depan yang cerah dengan harapan dan sukacita.



For a synodal Church
synodal participation | mission